



Broj: 475/7/26

Vogošća, 20.7.2026. godine

Na osnovu člana 39. Pravila JU „Kulturno-sportski centar“ Vogošća broj: 1672/10/23 od 17.10.2023. godine, direktorica JU „Kulturno-sportski centar“ Vogošća raspisuje

JAVNI POZIV

proizvođačima meda i domaćih proizvoda sa područja općine Vogošća za iskazivanje interesa za učešće na Sajmu meda i domaćih proizvoda

JU „Kulturno-sportski centar“ Vogošća poziva proizvođače meda, pčelinjih proizvoda i drugih domaćih proizvoda sa prebivalištem, odnosno sjedištem na području općine Vogošća da iskažu interes za učešće na Sajmu meda i domaćih proizvoda, koji će biti održan u periodu od 04.09. do 06.09.2026. godine.

Cilj ovog javnog poziva je promocija domaće proizvodnje na području općine Vogošća, podrška lokalnim proizvođačima, unapređenje plasmana domaćih proizvoda te predstavljanje njihovih proizvoda građanima i posjetiocima sajma.

I PRAVO UČEŠĆA

Pravo učešća imaju fizička i pravna lica koja:

- imaju prebivalište, odnosno registrovano sjedište na području općine Vogošća;
- se bave proizvodnjom meda, pčelinjih proizvoda, domaćih prehrambenih proizvoda, proizvoda od voća i povrća, prirodne kozmetike i drugih tradicionalnih proizvoda domaće proizvodnje koji su u skladu s konceptom Sajma meda i domaćih proizvoda;
- obavljaju djelatnost u skladu sa važećim propisima Bosne i Hercegovine;
- u roku utvrđenom ovim javnim pozivom dostave urednu prijavu i rješenje o registraciji djelatnosti, odnosno drugi odgovarajući akt nadležnog organa (npr. potvrda o upisu u odgovarajući registar) kojim se dokazuje da podnosilac zakonito obavlja djelatnost koja je predmet ovog javnog poziva.

Organizator zadržava pravo odabira izlagača i proizvoda u skladu s temom, ciljevima i karakterom Sajma, te može odbiti prijavu proizvoda koji nisu primjereni manifestaciji, nisu povezani s domaćom proizvodnjom ili nisu u skladu sa sadržajem i standardima Sajma.

II NAČIN ISKAZIVANJA INTERESA

Zainteresovani učesnici dužni su dostaviti prijavu koja treba sadržavati:

- ime i prezime odnosno naziv proizvođača;
- adresu prebivališta odnosno sjedišta;
- kontakt osobu i broj telefona;
- e-mail adresu;
- kratak opis proizvoda koji će biti izloženi i prodavani na sajmu;
- okvirne potrebe u vezi sa postavljanjem izložbeno-prodajnog štanda;
- uz prijavu zainteresovani učesnici obavezno dostavljaju i kopiju rješenja o registraciji djelatnosti ili drugi odgovarajući akt nadležnog organa (npr. potvrdu o upisu u odgovarajući registar) kojim se dokazuje da podnosilac zakonito obavlja djelatnost koja je predmet ovog javnog poziva.

Prijava se dostavlja elektronskim putem na e-mail adresu: kscvogosca@gmail.com ili lično u prostorije JU „Kulturno-sportski centar“ Vogošća.

III ROK ZA DOSTAVLJANJE PRIJAVA

Rok za dostavljanje prijava je 07.08.2026. godine do 16:00 sati.

Prijave dostavljene nakon isteka roka neće biti razmatrane.



**JU "KULTURNO - SPORTSKI CENTAR"
V O G O Š Ć A**

IV DODATNE INFORMACIJE

Nakon isteka roka za dostavljanje prijava, JU „Kulturno-sportski centar“ Vogošća izvršit će razmatranje pristiglih prijava i, u skladu sa raspoloživim kapacitetima i organizacionim mogućnostima sajma, izvršiti raspored učesnika.

Organizator obezbjeđuje izložbeno-prodajni prostor (šand/sto), dok su učesnici dužni sami obezbijediti izložbene eksponate, promotivni materijal i druge rekvizite potrebne za predstavljanje svojih proizvoda.

Dostavljanje prijave ne podrazumijeva automatsko ostvarivanje prava učešća na sajmu.

Dodatne informacije zainteresovani mogu dobiti putem e-mail adrese navedene u ovom pozivu.

DIREKTORICA JU KSC VOGOŠĆA

Alisa Konaković